



II. ATALA
BIZKAIKO LURRALDE HISTORIKOKO TOKI ADMINISTRAZIOA

Iurretako Udala

Herriko kirol elkarteei 2018ko ekitaldian emakumeen kirola sustatzeko diru-laguntzak emateko deialdia eta oinarri arautzaileak.

Alkateak, aurtengo uztailaren 26ko 643/2018 Dekretuaren bidez, honako hau erabaki du:

Lehenengoa: 2018ko ekitaldian emakumeen kirola sustatzeko Herriko kirol elkarteei diru-laguntzak emateko deialdia onartzea.

Bigarrena: 2018ko ekitaldian emakumeen kirola sustatzeko Herriko kirol elkarteei diru-laguntzak emateko Oinarri Arautzaileak onartzea (Eranskina).

Hirugarrena: Erabaki hau Bizkaiko Aldizkari Ofizialean eta udaletxeko iragarki-oholean argitaratzea.

Laugarrena: Ebazpen hau Kontu-hartzailletza Sailari eta Herritarren Arreta Zerbitzuari jakinaraziko zaie.

Denek jakin dezaten adierazten da.

Iurretan, 2018ko uztailaren 26an. — Alkatea, Iñaki Totorikaguena Sarrionandia



ERANSKINA

1. Helburua

- 1.1. Oinarri hauen helburua da, 2018. urtean zehar kirol munduan emakumeen parte-hartzea sustatzeko ematen diren diru-laguntzen arauak finkatzea.
- 1.2. Laguntza hauen xedea da, Kirol-jardueretan emakumea integratzeko programak eta ekintzak eragiten dituzten gastuak finantzatzea 2018ko ekitaldian.
- 1.3. Diru-laguntza hau norgehiagoka erregimenean emango da.

2. Onuradunak

- 2.1. Diru-laguntza hauen onuradun izan daitezke, lurretan egoitza soziala eta Eusko Jaurlaritzako Elkartearen Erregistroan inskribatuta dauden legalki eraturako kirol elkarteak.
- 2.2. Zigor- eta administrazio-arloan diru-laguntza edo laguntza publikoak lortzeko aukera galtzarekin zehatuta dauden pertsona juridikoek ezin izango dute agindu honetan araturiko laguntzen deialdian parte hartu, ezta hartarako ezgaitzen dituen legezko debekuen eraginpean daudenek ere, sexu-diskriminazioaren ondoriozko debekuak barne, 4/2005 Legearen (otsailaren 18koa, Emakumeen eta Gizonen arteko berdintasunerakoa) Azken Xedapenen arteko seigarrenean xedatutakoarekin ados.

3. Diruz lagunduko den gehienezko zenbatekoa guztira

- 3.1. Deialdi honetara bideratutako kreditua bi mila eta bostehun (2.500,00) eurokoa da, 231.481.00 aurrekontu atalaren pentzuan.
- 3.2. Diru-laguntza hauek eta beste erakunde publiko edo pribatuetatik jasotako bestelako laguntzak, diru-sarrerak edo baliabideak bateragarriak izango dira, Diru-laguntzak Arautzeko Ordenantzan zehaztutakoaren arabera, beti ere beraien zenbateko osoa, proiektuaren zenbateko guztia gainditzen ez duen bitartean.

4. Diruz lagundu daitezkeen gastuak

- 4.1. Kirol elkarteak Kirol-jardueretan emakumea integratzeko 2018ko ekitaldirako aurkeztu dituzten programa eta ekintzek eragindako gastuak ordaintzeko dira, azaroaren 17ko 38/2003 Diru-laguntzen Lege Orokorrean eta Diru-laguntzen Udal Ordenantzan zehaztutako baldintzetan.
- 4.2. Honako hauek eragindako gastuak lagundu ahal izango dira diruz:
 - a) Kirol federazioak eskatutako lizentziak, arbitrajekoak, aseguruak eta bestelako gastuak.
 - b) Lehiaketetan edo kirol-jardueretan parte hartzeko nahitaezko joan-etorriak (kirol-materialen eta ekipamenduen garraioa barne) eta egonaldiak (ostatua eta mantenua) eragindakoak.
 - c) Kirol-materiala eta ekipamenduaren erosketa, alokairua eta konpontzeak.
 - d) Publizitatea eta bulegoa.
 - e) Diruz lagundutakoak lortzeko beharrezkotzat jo daitezkeen beste batzuk.
- 4.3. Ez dira diruz lagunduko honako gastu hauek:
 - a) Bestelako gastuak, baldin eta, balioespen-batzordearen ustez, diru-laguntzaren xedearekin bat ez badatoz.

5. Eskabideak eta aurkezteko epea

- 5.1. Eskaera eta aurkeztu beharreko agiriak:

lurretako Udalaren Erregistro Orokorrean aurkeztuko dira diru-laguntzaren eskabideak (G-02 eredu) lurretako Udaleko alkate-udalburu jaunari zuzenduz (HAZ-Herritarren Arretarako Zerbitzua: Bidebarrieta, 5. 48215-lurreta); edo



Administrazio Publikoen Administrazio Prozedura Erkidearen urriaren 1eko 39/2015 Legearen 16.4. artikuluan ezarritako bitartekoren baten bidez ere aurkeztu ahalko da. Aurkeztu beharreko dokumentazioa:

- Legezko ordezkariaren NANA eta elkarteko IFKa.
- Elkarteko Estatutuak (lehen aldiz aurkezten badute edo aldaketarik egin badute).
- Deialdiko oinarri arautzaileen arabera, jardueren proiektua.
- Diru-sarreraren eta gastuen aurrekontua.
- Federazioko-fitxak.
- Dagokion federazioak luzatutako ziurtagiria.
- Hirugarrenen alta inprimakia edo aurkeztu izanaren aipamena (03 Eredua).
- Zuzendaritzaren osaketa akta.

Diru-laguntzaren eskabideak aurkezteko ereduak, 48215-lurretako HAZ-He-rritarren Harreta Zerbitzuan (Bidebarrieta, 5), Ibarretxe Kultur Etxean (Bidebarrieta, 4) eta web orriko administrazio-izapideen eskuliburuan (http://www.iurreta.eus/es-ES/Manual%20de%20trmites/20180502_Manual%20Euskera.pdf) eskuratu ahal izango dira.

Eskabidea aurkezterakoan, oinarri hauetan eta Diru-laguntzak Arautu dituen Ordenantzan zehaztutako arauak onartzen direla ulertuko da.

5.2. Aurkezteko epea:

Eskabideak aurkezteko epea iragarki hau Bizkaiko Aldizkari Ofizialean argitaratu eta biharamunean hasiko da, eta 2018ko irailaren 30ean bukatuko da (egun hori barne).

5.3. Eskabidea aurkeztean, oinarri hauetan eta diru-laguntzak arautu dituen ordenantzan zehaztutako arau guztiak onartzen direla ulertuko da.

6. Akatsen konponketa

Eskabidearekin batera adierazitako datuak edo dokumentazioa aurkezten ez bada, eskaera sinatu duenari errekerimendua egingo zaio hamar eguneko epean akatsa zuzen dezan edo aginduzko dokumentuak aurkez ditzan. Era berean, hala egin ezean bere eskaerari uko egiten diola ulertuko da, eskaera bertan behera utziz eta artxibatuz.

7. Salbuespenak

Diru-laguntzak arautu dituen ordenantzan ezarritako arrazoiez gain, ezingo dute diru-laguntzarik jaso eskabideak aurkezteko egunean Udal Ogasunaren eta Gizarte Segurantzaren zerga-betebeharrak eguneratuta ez dituzten eskatzaileek, edo aurretik emandako diru-laguntzak egiaztatzen dituzten agiriak aurkeztu ez dituztenek. Egiaztatze agiriak aurkezteak ez dakar, besterik gabe, aurkeztutako justifikazioaren onespena.

8. Eskabideak baloratzeko irizpideak

- 8.1. Diru-laguntzak emateko prozedura norgehiagoka izango da. Prozedura horretan, diru-laguntzak emateko aurkeztutako eskabideak elkarrekin konparatzen dira, haien arteko lehentasuna ezartzeko.
- 8.2. lurretako Udalak erabakiko du zein egitasmo onetsi (eskatutako baldintzak bete behar dira eta bazterketa arrazoirik ez); dirulaguntzak emateko ondoko irizpide eta balorazio mugak hartuko ditu kontuan (gehienez 10 punturaino).
 - a) Emakumeen partaidetza bultzatzen dituzten egitasmo bereziak: Jardueren promozioa eta maiztasuna, genero ikuspegiaren txertatu... (5 punturaino).
 - b) Proiektuaren interesa eta egokitasuna: Emaitzak, ekintza ildoak, ondorioak... (2 punturaino).
 - c) Ekintzetan parte hartzen duten emakumeen zenbakia (2 punturaino).
 - d) Elkarteko emakume federatuen zenbakia (1 punturaino).



- 8.3. Proiektuak aztertu eta teknikoan balorazioa jaso ondoren, eskumenak dituen organoak egokiak diren laguntzak emango ditu, beti ere oinarri hauetan honetarako jarrita dagoenaren gehiengoa pasa gabe.

9. Prozeduraren instrukzioa

- 9.1. Prozeduraren organo instrukzio-egilea hauxe izango da: Gizarte Ongizateko Batzordea.
- 9.2. Diru-laguntzak lortzeko eskabideak jasotakoan, haien azterketa eta egiaztapena Balioespen Batzordearen zeregina izango da. Batzorde hori honako hauek osatuko dute:
- Alkate-udalburua edo eskuordetutako Gizarte Ongizateko Batzordeko pertsona bat.
 - Gizarte Ongizateko Batzordeko idazkaria.
- 9.3. Aurkeztutako eskabideak aztertu ostean eta, hala badagokio, hutsak konpontzeko epea amaituta, Balioespen Batzordeak txostena egingo du, bertan, gutxienez, honako datuak jasota: bazter utzitako eskabideak, horiek baztertze zergatia, aintzat hartutako eskabideak, horiei eman beharreko laguntzaren kopurua eta oinarrietan aurreikusitako eskakizunak betetzen direlako ziurtagiria.
- 9.4. Organo bideratzaileak, txostena jaso ostean, beste txosten bat egingo du, eta, bertan adieraziko denez, bere esku duen informazioaren arabera onuradunek laguntzak jasotzeko beharrezko eskakizun guztiak betetzen dituzte.
- 9.5. Organo bideratzaileak ebazpen-proposamena egingo du Balioespen Batzordeak emandako txostena oinarri hartuta, diru-laguntza ematen duen organoaren aurrean, hau da, Alkatea.
- 9.6. Ebazpenak honakoak jasoko ditu, beren-beregi:
- Onuradunen zerrenda.
 - Diru-laguntzak jasoko dituzten onuradunak eta zenbatekoak.
 - Balioespen-irizpideak.
 - Gainerako eskabideak ezesteko zergatiak.
- 9.7. Prozedura ebazteko eta jakinarazteko gehieneko epea hiru hilabetekoa izango da, eskabideak aurkezteko epea amaitu eta hurrengo egunetik hasita. Epea igarota berriazko ebazpenik eman eta jakinarazi ez bada, eskaera ezetsi egin zaiela ulertuko dute interesatuek, administrazioak erantzunik eman ez duelako.
- 9.8. Administrazio Prozedura Erkideari buruzko urriaren 1eko 39/2015 Legearen 40 artikuluan aurreikusitakoaren arabera emango da jakitera ebazpena.
- 9.9. Berriazko ebazpen-egintzen kontra, berraztertze-errekurtsoa jarri ahal izango da egintza eman zuen organoaren aurrean; bestela, zuzenean, administrazioarekiko auzietarako errekurtsoa ipini ahal izango da.

10. Diru-laguntzen zenbatekoa eta ordainketa

- 10.1. Eskatutako gastuen %100 finantzatu ahal izango da, oinarri hauetan xedatutako kreditu osoa muga dela.
- 10.2. Onuradun bakoitzari emango zaion zenbatekoa Balioespen Batzordeak egindako txostenean zehaztutakoa izango da, zortzigarren oinarrian finkatutako irizpideak oinarri hartuta.
- 10.3. Diru-laguntzaren zenbatekoak —ez bakarka ez beste diru-laguntzei edo laguntzei gehituta— ezingo du inoiz ere gainditu onuradunak garatu beharreko jardueraren kostua.
- 10.4. Ezin izango da diru-laguntza ordaindu, harik eta onuradunak zerga-betekizunak edo Gizarte Segurantzarekikoak egunean izan arte edota dirua itzultzeko prozeduran zorduna bada.

**11. Diru-laguntzaren Justifikazioa**

- 11.1. Emandako diru-laguntza zuritzeko, Diru-laguntzen Ordenantza Orokorreko 14. artikularekin bat etorri, oinarrietan aurreikusitako salbuespenetan izan ezik, 2019ko urtarrilaren 31a baino lehen, hurrengo dokumentazio eta udal honek onetsitako ereduak aurkeztuz beharko dira:
- Justifikazioa (07 eredu).
 - Justifikazio memoria.
 - Diru-sarreraren eta gastuen balantzea.
 - Jardueretan parte-hartu duten emakumeen zerrenda.
 - Justifikazio kontua, fakturen eta ordainketa ziurtagirien kopiekin batera (08 eredu).
 - Helburu berberarekin beste erakunde batzuei eskatutako finantzazio iturrien eta/edo eskatutako diru-laguntzen zerrenda (emandakoak, ebazteko daudenak, e.a.). Aurkeztu ezean, eskatu ez direla ulertuko da.
 - Egindako publizitatearen ale bat.
- 11.2. Diru-laguntza ematen duen organoa arduratuko da hura ondo justifikatuta ote dagoen begiratzeaz, baita diru-laguntzaren helburu zen jarduera bete ote den zaintzeaz ere.
- 11.3. Aurrikusitako gastuak burutu ez badira edota lurreta Udalaren baimenik gabe, lagundutako proiektuak erabat aldatuak izan badira, laguntzak jaso dituzten onuradunak jasotako dirulaguntza bueltatzera behartuta daude.
- 11.4. Administrazioak eskatutako egiaztapenak, herri Artekartzaren ardura diren kontrol finantzarioak eta Kontuan Epaitegiko Legedira lotuta dauden beharrak betetzera behartuta daude laguntza jaso dituzten onuradunak. Baldintza hau bete ezean, emandako laguntza galduko da.
- 11.5. Diruz-lagundutako jarduera iragarri eta egiteko erabilitako euskarri guztiak, Euskal Autonomia Erkidegoko bi hizkuntza ofizialetan idatzi beharko dira.

12. Onuradunen betebeharrak

- 12.1. Onuradunak Emakumeen eta Gizonen Berdintasunerako otsailaren 18ko 4/2005 Legean ezarritako printzipio orokorrak bete beharko ditu, beren jardueretan.
- 12.2. Onuradunak egindako dokumentu eta publizitate guztietan, lurretako Udala diruz lagundutako jardueretako babesle gisa agerrarazi beharko du, Udaleko armari ofiziala eta «lurreta Eleizateko Udala» izen osoa txertatuz.
- 12.3. Ezingo dute erabili hizkuntza sexistarik beren dokumentazioan, publizitatean, irudietan edo materialean; irudi diskriminatzaileak eta estereotipo sexistak saihestuko dituzte; eta sustatuko duten irudian berdintasun balioak, presentzia orekatua, dibertsitatea, erantzunkidetasuna zein rolen eta genero-identitateen aniztasuna islatuko dira.

13. Arau-haustekak, zehapenak eta itzulketak

Diru-laguntzen ordenantzan, Diru-laguntzei buruzko azaroaren 17ko 38/2003 Lege Orokorrean eta Diru-laguntzei buruzko azaroaren 17ko 38/2003 Lege Orokorrean Araudia onetsi zuen uztailaren 21eko 887/2006 Errege Dekretuan ezarritakoa beteko dituzte diru-laguntzari dagozkien arau-haustekak, zehapenak jartzea eta itzultzeko arrazoiak.

14. Araubide juridikoa

Oinarri honetan jaso ez diren gaietan ondokoak aplikatuko dira: Administrazio Publikoen Administrazio Prozedura Erkidearen urriaren 1eko 39/2015 Legea; Diru-laguntzak ematea arautzen duen ordenantza, Diru-laguntzei buruzko azaroaren 17ko 38/2003 Lege Orokorra eta Diru-laguntzei buruzko azaroaren 17ko 38/2003 Lege Orokorrean Araudia onetsi zuen uztailaren 21eko 887/2006 Errege Dekretua.